

Iuda **Ekalesia veize Iuda'a** **Mirihrote'e So'ağa** **Ihore Ġoe'a**

So'a 'ahi'e Iuda'a ekalesia veize mirihiro. Ani'e Iesu negoğa 'ahoga. So'a 'ahi'e ġuriro ihore azağa'e ve'oğa rae ihozifine mirihiro. Ze zeġe'a bare Iesu mazao fie'ete'e azağa rae fureniro rehano, ekalesia azağa so'ozadu ve'oze tutuziro. E'ano'o Iuda'a ekalesia azağa mazao ġuriro ihore azağa ihoreze mene hegoti'uma rae ihoziro, zu ekalesia azaġani'a fie'eta'a'e mene modi'uma rae inaraziro. So'a 'ahi ġoe'a'e Petero'a mirihrote'e so'ağa aheuğa heuğa.

¹ Eġe, Iuda'e Iesu Keriso tuġure vazegā zu Iakobo negoğa. Badi'a'a huzirote'e azağa, zae mazao e so'a 'ahi mirihe'ohe. Za'e Badi'a emeġe Mama'a zamare borofe'ete'e zu Iesu Keriso'a bire'ete'e azağa.

² Badi'a'a vetuġazi'eno'i, ebu zama roġegā zu zamaroneġa borofe zini'eno'i.

Ġuriro Ihore Azaġa

³ Eġe zamarone nabudi, Badi'a'a emeġe nidu'a ġabofirote'e moneo zae veize e'a so'a 'ahoga mirihihi rae inarinu. Badi'a'a ane mone azağa ġae tiba zinirote'e ihoreġa huga zae'a mae ġihine'ohe. E'ano'o zae'a mae ġihine'ete'e ihoreġa huga ufeta obone giganoga veize eġe'a

inarazihi radu so'a 'ahi izidi mirihi'uma rae zamariro.

⁴ Mazağa vaze nu'a zae bo'ağano 'u'uru diuğiro. Ze'e Badi'a mene gubane'ete'e azağa. Ze'e emeğe Badi'a'a rifrote'e manohugağa ġihunadu sau'a nunu hağae radiu'ohe. Ebu ze Iesu Keriso'e mene emeğe zuhi'afi'ete'e vazeğa tibuhuga zu mene emeğe Zuhi'a Boro ra'ohe. Ze'a hağaize sau'a naeğa hide'ete'e moneo'e Buka Zağogano amahi mirihiro.

⁵ Za'e hari 'ahi nidu'a amahi ederiro, rehano eğe'a bare edemazoga veize zi'ohe. Zuhi'a Boro'a Isaraela azağa Izipi haba'anono'o ġae tiba mae vağizadu ġaboziro, rehano vesu'u ani mazao mene firote'e azağa ruiziro.

⁶ Ebu Badi'a tuğure viga nu'e Badi'a'a zinirote'e iğuriğa inarağano mene radadu radoneze manoga mode vağiniro. E'ano'o ze Mada Boro madağano kotao ohozifine, Badi'a'a ze radiu tuğutuğu auriğa miniğa hina faine batuzadu uzabo zamağano oboze tiro onamo radiu tuğutuğu.

⁷ Ebu zeğe hağai sau'a teige, Sodoma ebu Gomora azağa zu zeğe ne uhiğauhiğa azağani'a daro fu'a hağağa hağairo, ebu mene hağae hunite'e daroga nunu ibiğano hağairo. E'ano'o Badi'a'a ire roga hina ze ruiziro. 'Ougadu sau'a azağa'e radiu tuğutuğu ire rogao gigi'a boro hidi'uma rae vaze ihoziro.

⁸ E'e teige, zae bo'ağano 'u'uru diuğirote'e azağani'a zeğe zuni iğunao Badi'a'a ihoze'ohe rae ra'ohe. Ze ahiri ura idunağano hağai sau'a hağadu zeğe'a bare ahirize torane'ohe. Ze

Badi'a'e zeḡe Zuhi'a Boro rae ra'ete'e hezaho-hau'ohe zu Badi'a tuḡure viga rae sausaue'ohe.

⁹ Rehano Badi'a tuḡure viga ḡihi'aḡa, Mikaela'a Mose rune ahi'a'e iniu'a meite'e moneo Diabolo teite rotetirotene, ani Diabolo mene rae sausauniro zu Diabolo'e ve'oḡa rae mene roniro. Rehano 'ahige da'o reiro, "Zuhi'a Boro'a roḡadi'uma!"

¹⁰ Rehano zae bo'aḡano diuḡadu ḡurire ihoze'ete'e azaḡani'a ze mene edere'ete'e ḡauḡa rae sausaune'ohe. Ze'e butu maniḡa teige nagini'e duduḡa ga ve'oḡa'e mene edeḡa, e'ano'o zamaroneze o'o'a radu ahiri ura da'o haḡaihi rae ra'ohe. E'e u'ano, zama 'uguḡani'a ze ruizi'uma.

¹¹ Ḡuriro ihore azaḡa'e aduga boro hidi'uma! Ze'e Kaino haḡai sau'a ibiḡa hegotiro zu hadi u'a Balama'a haḡairote'e haḡaiḡa ve'oḡano* dure ḡouri-ro, ebu Kora teige,* Badi'a agirohanadu Badi'a'a ze ruiziro.

¹² Ḡuriro ihore azaḡa'e zae matu'u ogo-muḡa madaḡa toranadu sausaune'ohe. Ze mamoe mene faine ḡubuze'ete'e azaḡa teige, mene mazagaroze'ena'a, zeḡe bare ḡubuze'ohe. Ebu ze'e irugu o'o'a ḡozeḡa* 'ahine, zavara'a zaidanadu oname onae'ohe. Ze'e rogoe'ete'e madaḡano mene rogoe'ete'e ireḡa. A'e hube hune taiga hufuradu rorarote'e ireḡa.

¹³ Ze'e, davara sa'uḡa boro'a busuruḡa toraga haḡae'ete'e teige, mazagaru haḡaiḡa haḡae'ohe. Ze'e ibi duduḡa modadu ve'oru

☆ **1:11 1:11** Naba 31:16 ☆ **1:11 1:11** Naba 16:1-35 * **1:12 1:12** Iuda azaḡa'e vu mouga veize ḡoze iruguḡeta urati-ro.

ragave tauḡe'ete'e buzuvaḡa. Badi'a'a zeḡe veize radiu tuḡutuḡu uzabo ḡiḡi'aḡa ruhibe tiro.

¹⁴ Enoka'e Adamuono'o fu'o aheuḡa fare mariga. Ani'a ḡuriro ihore azaḡa moneo Badi'a ḡoere 'ahige rae fureniro, “Ḡiano'i, Zuhi'a Boro'a ane tuḡure viga zaḡoḡa ḡehaḡa bagaḡa teite ari'uma.

¹⁵ Ani'a arine, vase nidu'a kotazi'uma. Ebu Badi'a mene gubane'ete'e azaḡani'a ani mene gubane'ete'e haḡaiḡa haḡairote'e u'ano aduga zini'uma, zu Badi'a mene gubane'ete'e sau'a azaḡani'a Badi'a aghirohau'ena'a rae sausaunirote'e ḡoe'a nidu'a u'ano aduga zini'uma.”

¹⁶ 'Ahi azaḡa'e iḡaiḡa debaze'ohe zu maḡunozi'ohe, ebu ze zeḡe urao haḡai sau'a hegote'ohe. Ze zeḡe'a bare nize mae ite'ohe, ebu vase mazaono'o manaḡa nu mouga radu so'oze niguze'ohe.

Iradugu Riḡa zu Ihore Ḡoe'a

¹⁷ Eḡe zamarone nabudi, Zuhi'a Boro Iesu keriso apostolo azaḡani'a zama moneo ibite zirote'e ḡoe'a zamaro'i.

¹⁸ Ze 'ahige rae ziro, “Mada ḡonagano Badi'a zu za eḡofozi'ete'e azaḡani'a furera'uma. Ze Badi'a mene gubane'ena'a, zeḡe ura da'o haḡaihi radu e'e hegote haḡai'uma.”

¹⁹ Ze'a zae bo'aḡano diuḡadu rovoze'ohe. Ze zeḡe ura idunaḡano ahiri haḡaiḡa da'o hegote'ohe zu Badi'a Vine'e zamazeo o'o'a.

²⁰ Rehano eḡe zamarone nego nabudi, za zae'a mae ḡihine'ete'e ihoreḡa huga obone giganena'a, zae'a bare edau inaratito'i ebu Vine Zaḡoḡa inaraḡano kurano'i.

²¹ Zae ḡabone zamaḡano Badi'a'a za zamaro borofe'ete'e mae ḡihine'ena'a, ḡae'a bare edau gigarano'i. Ebu emeḡe Zuhi'a Boro Iesu Keriso'a zae vetuḡazeadu ḡabone tuḡutuḡu zenoga guhine rado'i.

²² Ebu ihore huga moneo 'ada'adaze'ete'e azaḡa vetuḡazo'i.

²³ Ire rogao radiu'ete'e azaḡa mae rehazadu ḡabozo'i. Ebu haḡai sau'a haḡae'ete'e azaḡa vetuḡazo'i. Rehano za'a zeḡe teige haḡai sau'a haḡaoga rihone'ena'a, zae'a bare tohutoho'i. Zeḡe haḡai sau'a u'ano toranirote'e dabuḡa zuni he'ehe'ene'ete'e teige, haḡaize sau'a he'ehe'ene'eno'i.

Badi'a Nigunihi

²⁴ Badi'a'e zae'a mene uitifine biroga'e idaḡa. Ebu za zamazadu Badi'a ḡihi'aḡa, ane ubumao tutuze onaoga'e idaḡa. Badi'a'a ane ubumao za'e ve'oḡani 'ahoga o'o'a rae zeadu za'e matu'e ruda'uma.

²⁵ Ani'e emeḡe ḡabofirete'e Badi'aḡa tibuhuga ḡihi'aḡa hune zu gigi'aḡa boro. Ani'e emeḡe zuhi'afi'ete'e Badi'aḡa. Emeḡe Zuhi'a Boro Iesu Keriso niḡano Badi'a nigunihi, 'izema mada ḡadaheḡanono'o onao izidi, onamo radiu tuḡutuḡu! Amen.

Buka Zaḡoḡa Ġoitore Iziga
The New Testament in the Uare language of Papua
New Guinea

Nupela Testamen long tokples Uare long Niugini

copyright © 2017-2024 Wycliffe Bible Translators, Inc.

Language: Uare

Translation by: Wycliffe Bible Translators

Contributor: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-11

PDF generated using Haiola and XeLaTeX on 11 Aug 2025 from source files dated 11 Aug 2025

c398f744-e34b-525a-a9fe-d04e84ab7b13